

# **Badische Landesbibliothek Karlsruhe**

**Digitale Sammlung der Badischen Landesbibliothek Karlsruhe**

## **Beichtspiegel**

**[Pforzheim], nach 1500?**

Wie man die beicht beschliessen sol. Das drit Capitel

[urn:nbn:de:bsz:31-289325](https://nbn-resolving.org/urn:nbn:de:bsz:31-289325)

Mit falscher ztignuß hab ich mich versündet  
mit liegen/triegen/die warheit widerstritten  
vnd hindern/mit freuel offentlich/vñ mit glyß  
nery im hertzen heimlich/vnd sust in mengers  
lei wyse .hab ich die warheit vnder getruckt  
durch mich vnd anderlut/mit falschen vrteilē  
briefen/kunttschaften/vnwarlichen eiden.auch  
mit hinder red/vñ in al weis wie sich der mēsch  
mit red verschulden mag.

¶ Von dem nünden.

Ich hab mich versündet mit vnordenlicher  
böser begird.gegē eins andern er fr awē.oder  
gegen mynen frunden/ gegen klosterfra wen  
tūdinenn/vngläubigen .zc.als vor geseit ist.

¶ Von dem Zehenden.

Ich hab mich auch versündet mit vngemeis  
sterten begirdē .ze überkomē eins andern gū  
dienst /pferd/ hūß/hof .acker/ reben .pfründē/  
wirdikeiten/empfer .zc.vñ das mit spülen/ bez  
trügnuß/simony/miet/gaben/trōwen/raubē  
krieg od gericht.vñ in vil weg wie dē gūt mit  
sündē mag gewūnen werdē/hab ich mit böse  
listen vnderstandē andn lütē ab zugewinnē/  
als vor im laster der gyrtikeit geseit ist.

¶ Wie mandie beicht beschliessen sol

Das drit Capitel.

Wirdiger her vnd lieber vatter also gib  
ich mich schuldig wie ich gesünder hab von ir-  
gent vff biß vff yetz/es sy tölich. teglich. heim-  
lich. offentlich. mit gedencen. willen. worten.  
wercken oder versümmuß vnd wie ich mich in  
alle minem lebē verschult hab das ist mir leir.  
vnd bit üch got für mich ze bittē/das er in dem  
verdienē seins heiligē lydens/seiner würdigen  
mutter der iungfrawen Maria/sanct Joans/  
sanct Peter/sanct Andres. sanct Jacob /vnd  
aller heiligen diese bicht zü derē ich mich leider  
übel geschickt hab/von mir armen sündler für  
gnügßam vffnemē/vnd mir gnad verlyhenn  
wölle eins gantzen. warē. fulkomē rewēs/ vñ  
sölicher fruchtbarer büß werckē die im gefelz  
lig vnd mir nützlich vñ gnüg syen in dieser zyt  
der gnadē. vnd nit im für bezalen. mit einē sö-  
lichem stetē fürsatz vnd fester berharrung biß  
an min end/vnd bit üch das ir mir aplaß spre-  
chen vnd mir heilsame büß vffsetzend nach dē  
ir mir nordürftig vñnd müglich syn ze volbrun-  
gen bekennend/wil ich gern thunn so ferr ich  
mag. vñ mich bessern heffentlich mit gotz hilf.  
vnd bit üch verzeihen mir das ich üch so lang  
mit so schñden. schweren/üppigen sünden ge-  
müet hab .vnd bittend got für mich armenn  
sünder. **A M E N.**

